



Andile Mji setsibi se seholo sa dinomoro

Glanice Masilo

Kamogelo Matlawe



Andile Mji ke setsebi se hlwahlwa sa dipalo.

Ena ke pale ya ha Andile ha e ne e le
moshanyana, le hore o ile a rata dinomoro
jwang.



Andile o tswaletswe toropong ya Gqeberha profenseng ya Kapa Botjhabela.

O ne a dula le mmae le ntatae. Ba ne ba dula motseng wa New Brighton.

Haufi le New Brighton, hone ho ena le motsana o bitswang Tyeni moo ho neng ho dula ntate moholo.



Andile o ne a rata ho etela ntate moholo ya neng a ena le sekiri sa dikgomo.

Ntate moholo o ne a rata ho mmotsa a re, “Tse tona di kae, tse tshehadi tsona? Di kae kaofela?”

Andile o ithutile ho bala ho fihlela ho 10 ka menwana. A tswela pele ho fihla ho 20 ka ya maoto, yaba o bala ka bo hlano.



Hoseng mokoko o ne o lla. E ne e le hora ya bohlano ha ba tsoha, ba itokisetsa ho hama dikgomo.

Hamorao, ba isa dikgomo thabeng ho ya fula.

Ba ne ba sebedisa letsatsi ho bala nako.



Motsheare ntatae moholo o ne a mmita ho tla ja.
Nako e ne e le hora ya 12.

O ne a tseba ha e se e le nako ya ho kgutlela hae, ha
tsatsi le dikela.

O ne a bala dikgomo ho etsa bonnete ba hore di
felletse.



Ha Andile a qala ho ya sekolong, ntatae o ile a mo rekela tshupanako. O ne a sebedisa tshupanako ena ho bala ka bo 2, bo 3 le bo 4.

Tshupanako e ne e na le dinomoro ho tloha ho nngwe ho fihlela ho shopedi.

Andile o ne a kgona ho bala mela ho fihlella hora e nepahetseng le metsotso e dipakeng.



Andile o ne a kgona ho bala dinomoro ka hlooho. O ne a bala ho ya pele le morao ka kelello.

Ha dikgomo di tswala, Andile o ne a atisa le ho bala manamane.


O ne a kgona ho bala le ho bolela mabitso a matsatsi a beke le dikgwedi tsa selemo ka tatellano.



Ka bo Labohlano, o ne a paka mokotla wa hae a etela ntatae moholo ka Moqebelo le Sontaha.

Ka Mantaha, o ne a kgutlela hae hore a kgone ho ya sekolong.

Ha dikolo di kwala, o ne a tjhakela ntatae moholo.



Ha Andile a ne a qala ho ya sekolong, ba ne ba bala ka majwe le dithutswana.

O ne a sebedisa menwana ya hae ho ngola mobung. O ne a ithuta ho kopanya dipalo mobung.


Phapusi ya hae ya boithutelo e ne le tlasa sefate. Ha pula e na, ba ne ba sa kgone ho ya sekolong.



Ha moshanyana wa Brighton a hola, a ya univesithing
ho ya ithuta dipalo. O ithutile dilemo tse ngata.

Moprofesa Mji o sebetsa lekaleng la dipalopalo.

O ne a ntse a kgona ho bala nako ka ho sheba letsatsi
jwaloka pele.



Kajeno Andile ke Moprofesa Mji. O sebedisa menwana ya hae ho tlanyatsa komporo.

O sebedisa dipalo le dikerafo ho bolela pale. O sebedisa dipalo ho rarolla bothata.

O sebedisa dipalopalo ho araba dipotso tse jwaloka, "Ke palohare e kae ya dilemo tsa bana sekolong sena?"



Moprofesa Mji o sebetša ka dikomporo le dinomoro.

O re, “Dikomporo di molemo haholo empa ka nako enngwe di a senyeha. Tsebo ya ka e ka hloohong ya ka ho ya ho ile.

Dipalong ha ho se fetohang, dinomoro di dula di le jwalo kamehla.”



Moprofesa Mji o na le molaetsa o latelang bakeng sa hao:

“Ho tseba dipalo o lokela ho itlwaetsa ho sebetsa ka dinomoro. Dipalo ke ho tseba ho etsa. Dipalo ke mekgwa.

O lokela ho ithuta ho nahana ka dinomoro. Jwale o tla ba mohale.”

—Dipotso

1. Andile o tsebile ka dipalo le ho bala jwang?
2. Na ho a hlokeha ho bala dipalo ntle le komporo kapa khalkhuleita? Hlalosa.
3. Bala ho fihlela ho 12 ka bo 2, bo 3 le bo 4, ebe o bala ho ya morao.
4. Thuto ya dipalopalo e akaretsa eng?
5. Mmuso o sebedisa lesedi la dipalopalo jwang?
6. Ke thuto di fe tse ding tse pedi tse hlokanang tsebo ya dipalopalo? Hlalosa.
7. Ke thuto e fe yeo o e ratang haholo? Hlalosa hore o ikwetlisa jwang ho e ntlafatsa.
8. Hothwe 'dipalo di dinthong tsohle'. Fana ka mehlala e meraro ho netefatsa sena.

—Lenane la dibuka tse letotong lena

- Andile Mji
- Asnath Mahapa
- Bongani Mayosi
- Charlotte Maxeke
- Mmantsane Moche Diale
- Mulalo Doyoyo
- Tebello Nyokong
- Tshilidzi Marwala

Buka ena e qapuwe le ho ngolwa ka Setswana
ele karolo ya porojeke ya 2020 ya Zenex Ulwazi
Lwethu ya dibuka tse balwang.



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).

**basic education**

Department:
Basic Education
REPUBLIC OF SOUTH AFRICA

*The Ulwazi Lwethu readers and storybooks have
been quality assured and approved by DBE.*

Your attribution should include the following:

Title: Andile Mji setsibi se seholo sa dinomoro

Author/s: Glanice Masilo

Translator/s: Maria Vaz

Illustrator/s: Kamogelo Matlawe

Assurer/s: Nthabiseng Tsatsi, Mathapelo Morake

Language: Sesotho (South Africa)



© Zenex Foundation - Saide 2025 (Updated Edition)

CC BY includes the following elements:

BY – Credit must be given to the creator

